



Поэзиялул ва дусшиврул мажлис

3
лаж.

Тталаткьини МахIачкьалалив Дусшиврул кьатлуву хьунни Дагьусттаннал халкьуннал шаэр Сугьури Увайсовлул юбилейрацун дархIусса творчествалул вечер. Гьашину шаэрнан бартлаглагиссар оьрмулул 85 шин.



№5
(2015)

31 ЯНВАРЬ 2020 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкIссар 1917 ш.
Цунил итабакьлан бивкIссар 1991ш.

Январьданул 29-нний Дагьусттаннал БакIчи Владимир Васильев хьунаавкьунни республикалул ишбажаранчитурашал ва жяматийсса идарартгал вакилтурашал.

Владимир Васильев: «Замана баххана хьуссар – чIунссар «ххютула буккан»»

Национал библиотекалувун букIун бия ишру бартигьаврил властрал, контролданул идарартгал, банкирдал ва финансиартгал идарартгал вакилтал. Микку бия шяраваллил хозяйствалул, машлул, туризмалул, медициналул, строительстволул, промышленностьрал ишбажаранчишиврул лагрулий зузими, хIаллихшиннаха зузими, транспортрай ва цаймигу давурттай зузисса инсантал.

Республикалул каялувчинал бувсунни цукунсса хIаллихшинну ккаккан дурну дуссарив ишбажаранчитуран Дагьусттаннай. Масалдаран, республикалий кьамул дурну дур хьунисса инвестицияртгал проектиртган личИ дуван аьршарал участокру савда (торгру) кьабунма. Мукун дулуну дур участокру б инвестпроектран.

Владимир Васильевлул Тимунийну, «Каспийск» ва «Дагестанские Огни» ТОСЭР-дал вакилтуран ккаккан дурну дур налогиртал вычетро. Ми моношагьрундай сияхIрайн лавсун ур 11 вакил. Региондалий буллаи бур цIусса индустриал паркру, миннувацца цабунангий бур «Дагдизель» заводрал аьршарай.

Миккун бизан бан най бур «ххютуй» бивкIсса уссалустартгалу, цаймигу ишбажаранчитурашал пачIу. «Замана баххана хьуссар – чIунни ххютула буккан законнал майданнив», - увкунни Владимир Васильевлул.

2019 шинал ахирданий «Ттул бизнес» тIисса центр IтивIтуну бур ишбажаранчитуран кумагран, микку зий бур менеджертгалу.

Республикалул каялувчинал бувсунни мукунма махьсса ппурттуву автозаправкарттугу «ххютула» буклай бушиву ва миннуя бюджетравун дуклакIимур гьарза



хьанай душиву.

Дагьусттаннал БакIчинал Тимунийну, Дарбантлив Сулайман Керимовлул цалла бизнес сияхIрайн ларсун махь шагьрулий буюхлай бур чIявусса захIматсса масьалартту дузрайн буккан буллан.

Дарбантлив хьанахьисса дахханашивурттай бувсунни шагьрулул бакIчи Хизри Абакаровлул.

Законнал майданнив зузавриясса мюнпатрая ихтилат бунни ДР-лул БакIчинал кумагчи – автозаправкартгал заллухьруннал ассоциациялул каялувчи МахIаммад Абакаровлул.

Дагьусттаннай ТОСЭР-ду баврил хIакьираву махь лавхьунни ДР-лул экономикалул министр ХIажи Султановлул. Махьру лавхьунни мукунма ДР-лул Ишбажаранчишиврул ва инвестицияртгал агентствалул каялувчи ХIажи ХIасановлул ва цайминнал.

Масьала ххал бигьаврил хIасиллу дунни Владимир Васильевлул.

**ХIадур бувссар
ХI. АБДИЛОВЛУЛ**

Лайкь хьунни «Барчаллагьрал чагьардан»

Январьданул 28-нний «Единая Россия» партиялул вакилнал агьали кьамул бай кьини Думалул депутат Авьдулмажид МахIрамовлул хьунабакьаврий Барчаллагьрал чагьардан лайкь хьунни МахIачкьалаллал Кировский ва Ленинский районнал бакIчитал – СалихI Сагидов ва МахIаммад МахIаммадов.

З.АБДУРАХИМАНОВА

Депутатнал цала цIаниясса «Барчаллагьгу» вайннайн баян бунни, агьалинал кьайгьурдаласса буллаи хьунмасса захIмат бихьлахьаврихлу ва хьун шагьрулул социал-экономикалул тагьар кьулай давриха чялишну зий бушиврухлу. Шиккува депутатнал ва СалихI Сагидовлул Кировский райондалуцIун бавхIусса аьрзирашласса хьамитайпалуху вичИ дирхьунни, ванил мурад чьясса мутталай шаллу бантIишиву бувсунни.



СалихI Сагидов ва Авьдулмажид МахIрамов

Лалавсунни шикаятрай букIминнал мурадру

Январь зурул 28-нний Дагьусттаннал региондалийсса «Единая Россия» партиялул кьамул бай кьатлуву агьалинашал хьунаавкьунни АьФ-лул ПаччахIлугьрал Думалул депутат Авьдулмажид МахIрамов.

Имара САИДОВА

Ва кьини депутатнал кьамул унни 14 инсан.

МахIачкьалалив ялапар хьанахьисса Ттупчиева ТIагьират бувкIун бия чIяру зивурду дусса кьатридан бакIрайн лавьсса строительстволул залунная шикаятрай. Ванил бувсунни, Рахматуллаевлул цIанийсса кIичIираву дуллаи дай-дирхьусса кьатригу дацIан дурну, кьатрал заллу лихьлай, ириллай акьашиву, мунийн бувну цивпа нигьа бувсун бушиву, я кьатри, я арцу дакьа личIансару тIий. МахIрамовлул ва масьалалул хьирив лаян тапшур бунни Кировский райондалул бакIчинайн.

МахIачкьалалив ялапар хьанахьисса ПатIимат Рамазанова бувкIун бия кьатта-кьушлил масьалалул ялув. Ва бувкIун бия, оьрчIиния шиннайсса цIуллу-сагьшиврул мушакьатшиву дусса группалийн бувну дагьайсса кьатрал иржа 2007 шиная шихунмай сукку хьанай бакьашиву бусан. Ва масьалалул хIакьираву Дагьусттаннал Минстройрайн хасьсса чагьар чичин бакIрайн лавсунни МахIрамовлул.

МахIачкьалалиясса Хамис Давидова аьрзираи бувкIун бия, мушакьатшиву дусса цила арнайн аьршарайн дагьайсса налогру дуклай дур тIий. Ванил бувсунни цила арс му документрай кIишI



ларгсса аьршарал залуну тачIав кьаивкIшиву. Кьашавайсса арнаша ва масьалалул хьирив лаян хьанай бакьарча, кумаг бара тIий дия нину. Ва масьалалул хIакьираву МахIрамовлул цала кумагчинайн тапшур бунни ДР-лийсса АьФ-лул УФНС-райн хьирив лаяву тIалав дуллалисса аьрза чичин.

Вай бакьассагу, ва кьини депутатнал кьамул бунни личИ-личИсса масьалартгал хIакьираву бувкIсса цаймигу инсантал. ЦачIанма бувкIсса циньявпагу агьалинал масьалартгал хIакьираву ккаккунни хасьсса маслихIатру ва ми щаллу баврил ялув бацIаву тапшур бунни цала кумагчитурайн.

Ккаккан унни Ухссавнил Къапкъазуллал жаваб дуллантима

«Даврихун дахчилачимур
хъхьичИра-хъхьичИ коррупцияр»



Январьданул 27-нний Пятигорскалий ДР-лул БакИчи Владимир Васильев гьуртту хъунни АФ-лул Президентнал Администрациялул Каялувчинал хъиривчу Владимир Островенкол Аьрасатнал Президентнал СКФО-райсса вакил Юрий Чайка ккаккан уллалисса батГаврий.

Микку мукунма гьуртту хъунни хъхьичИва му къуллугърай зий ивКисса, цана АФ-лул Къирилхуллурдал аьралуннал хъунаманал хъиривчу Александр Матовников, биттуршиндарал властрал федерал органнал округрайсса ида-

ДР-лул БакИчи Владимир Васильев дакИ дарцуну ур, Юрий Чайкаца Ухссавнил Ккакказуллал федерал округрал хъхьичИ бивхъусса масъалартту бартбигьин бюхъантИшиврий. Чайкал тамансса давуртту дурну дур генпрокурорнал къуллугърай зузиссаксса хИаллай, Дагъусттаннай инсантурал ихтиярду ва законшиву дурручаврил цИанийгу.

рарттал, парламентирттал каялувчитал, ва м.ц.

Александр Матовниковлул бавтИминнахь барчаллагь кунни пачИу дурсса давурттахла. Мунал тИмунийну, округрай хъин чулийсса дахханашивуртту хъуну дур паччахИлугърал политика бартдигъаврил ххуллий. Мунал тИлайбацИу чИа кунни цуну ивтесса вакиллан.

Юрий Чайкачал бавтИми кИул буллаи, Владимир Островенкол бивсунни му цалла даву хъинну кИулсса, цала тИмуния жард къау-чайсса, паччахИлугърал жаваблусса къуллугърай зузаврил давуртту канилух дурксса инсан ушиву.

Юрий Чайка дур 68 шин, га АФ-лул генпрокурорнал къуллугърай ивтун ивКиссар 2006 шинал июндалий, микку зий ивКиссар 13 шинал лажиндарай. Прокуратуралул органнай Чайка зий ивКиссар 1976 шинай. 1992-1995 шинардай зий ивКиссар Иркутскал улкул прокурорну, 1995-1999 шинардай - АФ-лул генпрокурорнал 1-ма хъиривчунал къуллугърай, 1999-2006 шинардай - юстициялул министрну. 1999 шинай шинай Чайка ивКиссар АФ-лул Мюхчанишивул советраву, 1999-2000 шинардай - Аьрасатнал Федерациялул ХИкуматрал президиумраву.

В. Островенкол бивсунни мукунма округрай тагъар хъин чулиннай зана хъанай душиву хИаллихсса бушиллий, экономика лядуккаврил даража аьмну Аьрасатнавунияр ялавайсса бушиву.

Владимир Островенкол Александр Матовниковлухь барчаллагь кунни дурсса давурттахла.

Юрий Чайкал цала ихтилатраву чИурчИав дурунни округрал социал-экономика лядуккан даврил иширттаву тамансса давуртту дурну душиву, амма лябуккулухун дахчилачисса цаппара захИматшивурттугу душиву. ЗахИматшивуртту хъанай дур даву дакъашивул даража лахъсса бушаву, Аьрасатнал ккаккиарттах бурувгун, харжру цила чИумал къабуллалаву, къатрал дузал баврил тагъар захИматсса душиву, преступлениартту гьарза хъанайна душиву, терроризмаллийн ва экстремизмаллийн кьарши буккаврил масъала округрал ца агьаммурну личИлай бушиву.

Округрал регионал социал-экономикалул давуртту хъхьичИуннай нани даврил проекту бартдигъаврихун дахчилачимур коррупцияр увкунни Юрий Чайкал.

Ванал бивсунни коррупция духлаган даншивул цува цукун зун най уссарив, ци бан дакИний уссарив.

**ХИадур бивссар
ХИ. АБДИЛОВЛУЛ**

Январьданул 28-нний ДР-лул БакИчи Владимир Васильевлул Каялувшиврий ххал бивгьунни «Каспийск» ва «Дагестанские Огни» ТОСЭР-дайн (территории опережающего социально-экономического развития) вакилтал (резиденттал) кИункИу баврил масъалартту.

Хасъсса территориялул статусрайн

Му ххуллий дуллалисса давуртта бивсунни ДР-лул экономикалул министр ХИажи Султановлул. Мунал тИмунийну, Каспийск ва Дагестанские Огни шагьурдан булуну бур ТОСЭР-данул статус, мунил хИакъираву хасъсса къутИи (соглашение) чирчуну дур Аьрасатнал Минэкономразвитиялул ДР-лул ХИкуматрал ва моношагьурдал администрациярттал даяив.

Микку дикИан аьркинссар бартдигьин ялув дирхъусса кка-

ккиартту: вакилтурал аьдад, инвестициярттал лагру ва зузи кИантурду. 2019 шинал ахирданийннин аьркинну бивКиссар сияхИрайн ласун 11 вакил, му масъала бартбивгьуну бур. Дузал бивну бур 149 зузи кИану. ДучИан дуван аьркинну диркИун дур 250 млн. кьурушу инвестициярттал, дучИан дурну дур 366 млн. кьурушу.

Министрнал бивсунни мукунма гъашину бивну кьуртал бантИий бушиву 2 заводгу – Стекловолокнорал завод ва По-

лиэтилен буккан байсса ва накъала байсса завод. Бивсунни мукунма яла гъансса чИумал бартдигьин аьркинсса давурттал хИакъираву, хИасул хъанахъисса захИматшивурттауту.

Дагъусттаннал БакИчинал суал булунни, циксса зузи кИантурду дузал бивну бивсарив ТОСЭР-даний. ХИажи Султановлул тИмунийну, 2019 шинал Каспийскалий дузал бивну бур 498 зузи кИану, ДагОгнийли – 270. Аьмну лавсун ларгсса шинал республикалий дузал бивну бур 25 азарва зузи кИану – чИавуми бур строительствалий ва шьраваллил хозяйстваву.

Муния махь сукку бунни усру дувултурал дуллалисса уссай чипру лачИун дуллантий бушивул масъалагу. Владимир Васильевлул бивсунни усру дуллалисса кулпатиртган кумаг биван аьркиншиву цамур даву лякьин, ягу миннан аьркинну бушиву зун закондалул лагрулий.

Мюнпат бакъами — машай буккан бан

Январьданул 27-нний ДР-лул ХИкуматрал Председатель Артем Здуновлул каялувшиврий хъунни республикалул ГУП-ру (паччахИлугърал унитар предприятияртту) мюнпатну зузаврил хИакъиравусса батГаву.



Ихтилат хъунни хъунмурчИин шьраваллил хозяйствалул аралувусса паччахИлугърал унитар предприятияртту мюнпатну зун аьркиншивул хИакъираву.

Премьер-министрнал бивсунни Дагъусттаннай бушиву паччахИлугъ заллусса 47 ГУП, амма миннул документирттах буругарча, чИалай бушиву циняв мюнпатну зий бакъашиву.

Артем Здуновлул тИмунийну, цИанасса ппурттуву хИукму хъуну бур машай буккан биван 13 ГУП, миннува 11 бур шьраваллил хо-

зайствалусса.

Масъалалул хИакъираву аьшу-дазуй авцусса махь лавхъунни ДР-лул аьршарал ва хъухъиншивул арардал министр АьгараХИм КьагьриХажиевлул. Мунал тИмунийну, ДР-лул заллушиврий цИанасса ппурттуву бивсуну бур 47 ГУП, миннува 28 – зузисса, 8 бур ппанккурутИ шаврий бивхъуну ва 11 – бухлаган биван хИадурну. Зузисса ГУП-ирдал 2018 шинал документирттал (документы финансово-хозяйственной деятельности)

анализрал чИалачИи бивну бур 17 ГУП-рал давурттал хИасиллу хъин чулийсса душиву, 11 унитар идаралусса – къамюнпатрансса хъушиву. 2020 шинал ми идарарттал давуртту хъин чулийннай кИура даен даву мурадрай, министрнал тИмунийну, аьркинну дур ГУП-ирдал финансирттал хИасиллал анализ дуллан, миннул давурттал мюнпат лахь буллансса давуртту дуллан, мюнпат бакъану зузими ГУП-ру машай буккан буллан, миннул каялувчитал аттестациялийн кИункИу буллан.

ХИкуматрал Председательнал пикрилий, микку аьркинну бур ГУП-ирдал бакИчитал баххана биван, гьарца ГУП-рал жаваблумагу ккаккан увну. ХИкуматрал Председательнал хъиривчу Екатерина Толстикова ххи бунни аьркинну бушиву зузалтрал луртан сакин дуван.

Шьраваллил хозяйстварттал ГУП-ирдал тагъардания бивсунни профилсса министерствалул каялувчи Абзагьир ХИусайновлул.

Махьру лавхъунни мукунма ДР-лул ХМ-рал Председатель хъиривчу МахИмуд МахИмудовлул, ДР-лул ХМ-рал аграр политикалул ва тИабиаьт ишла даврил комитетрал председател Асият Аьлиевал.

Артем Здуновлул бивсунни муниципал сакиншиннардал ва шагьурдал бакИчитурал цайнна ласласишиву миннал кИантурдайсса ГУП-ру мюнпатну зузаврил жаваблывшиву.

**ХИадур бивссар
ХИ. АБДИЛОВЛУЛ**

Ца суалданухъхъунсса азардахъул жавабру

«Грант ссан харж дурну хъинни?» тИсса Республикалул ХИкуматрал чулухасса суалданун жавабру дулуну дур хИакъинусса кьининин 11 азарунния ливчусса агъалинал.

3. АБДУРАХИМАНОВА

ДР-лул экономикалул министр ХИажи Султановлул бусаврийну, цИухху-бусулуву гьуртту хъуну бур республикалул циняр муниципалитетирттагъсса халкъ.

Яла чИярусса жавабру дуркИун дур МахИачкъалалия (4 942 инсаннаясса), Каспийскалия (1015), Буйнакскалия (90), Къизлардая (59), Избербашрая (54), Хасавюрттая (49), Цуссалаккуя ва Табасараннал райондалия (22). Арцу чун харж

дурну хъинссарив бусласисса цала жавабру Москвалиягь ган дурну дур 44 инсаннал ва Санкт-Петербургия 2 инсаннал.

ЧИавуминнал тавакьорду бивсуну бур къатта-къушлил дузалшиндарацИун ва шагьурдайсса кучардал тагъар ххуй даврицИун, цИуллу-сагъшивул аралуву цИушиннарду дуварицИун ва ЖКХ-лул даража лахь баврицИун бавХусса.

Жула тарих — жулва байрахъри

Январь зурул 29-нний цѳуминалийсса Щуссалакрал райондалул «Новострой» трестрал къатраву хъунни Ххувшаврил 75 шинал юбилейран хас бувсса тарих лахъхъаврил форум. Форумрал сакиншинначитал хъунни Лакрал жагьилтурал ккурал, «Виртал» тѳисса жяматийсса клуб ва Щуссалакрал райондалул администрация.



Шикку гъуртту хъунни Лакрал жагьилтурал ккуралдалул хъунама Давуд Амиров, Щуссалакрал райондалул Культуралул, спортрал, туризмалул ва жагьилтурал политикалул управлениялул хъунаманал хъиривчу Заур Махаммадов, тарихчи, хлакин Исмаил Аьлиев, цѳуминалийсса Щуссалакрал Чапаевкалал школалул директор Камил Ахмадов, тарихчи Ися Аьзиев, цѳуминалийсса школардал учительтал ва дуклаки оьрчѳу.

Форум тѳитѳлай, ванил мурад бувчѳин буллалисса ва лакрал жагьилтурал ккуралдалул хъьичѳи бивхъусса масъалартгая бусласисса ихтилат бунни Давуд Амировлул.

Хъирив Бутгал Кѳанттул цѳанийсса дѳявѳилий Дагъусттаннал халкъуннал, хаснура лакрал, дурсса чувшиврия бувсунни Ися Аьзиевлул.

- Шала Дагъусттанная Хъунмасса Бутгал Кѳанттул цѳанийсса дѳявѳилий гъуртту хъуссар 180 000 инсан, зана къавхъуссар 90 000. Цинявпагу миллатирттавагу яла чѳявусса гъуртту хъуну бур жула лакрава – 6500 инсан, зана къавхъуну ур 3500. Жула миллатрава увкссар 5 Совет Союзрал Виричу. Дѳявѳилий ккаккан дурсса къуачъшиврухлу 163 лаккучу лайк хъуну ур личѳи-личѳисса орденан ва медаллан. Дѳявѳилул тарихрая бусласийни мудангу кѳиц лаглай бур Москва, Сталинград ва цаймигу шагъурдахлусса талатавуртту. Ккавказ мюхчан буллайгу миннуярдагу ягинсса талатавуртту хъуссар. Ккавказ буручлай наградартту лайк дурминнаву 1340 лаккучу ур.

Тадѳявѳилул шиннардий лакрал миллатрал чулуха диркѳссар хъинхъинсса сиптарду. Фронтран кумагран хъьичѳира-хъьичѳи лакрал миллатрал рартѳун диркѳссар Гъарун Саэдовлул цѳанийсса авиаэскадрилья бансса арцу. Ялагу вайналва сипталийну сакин бувну бивкѳссар «Лакрал колхозник» тѳисса эскадрилья. Севастополь шагъуру душманная мурахас бувсса чѳумал, Карашрал жямат шагъуру цѳу буккан бансса сипталушал бувккун, 100 азарда къуруш арцул рартѳссар. Му сипта къамул дурну, цинявпагу дагъусттанлувтурал рартѳун диркѳссар 4, 500 миллион арцул, 12 вагон дуки-хачѳиялул ва захѳматрал ярагъуннил.

Жула лак хъьичѳиунну зий бивкѳссар захѳматрал фронтрайгу, 5955 лаккучунан дулуну диркѳссар «За доблестный труд в ВОВ» тѳисса



Давуд Амиров

медальлу. Тай шиннардий Лакрал район шамийла лайк хъуссар Паччахѳлугърал обороналул комитетрал чулухасса заназѳи Ятѳул ттугълин ва му райондалулчѳа ливчѳссар, - бувсунни Ися Аьзиевлул.

Италиянал Виричу Хѳасан-Хѳусайн Камаловлуятугу бувсун, Ися Аьзиевлул маслихат бунни Лакрал жагьилтурал ккуралдалул, хлакинусса кѳинигу Италиянал музейраву дирхъусса жула Виричунал награда Ватандалийн ласунсса хѳарачат бан.

Сурхайхан 1-нал цѳаницѳун бавхѳусса Дагъусттанналгу, лакралгу тарихрая бусласисса ихтилат бунни Исмаил Аьлиевлул. Ванал ккаккан дунни тарихрал гъайкалал суратру ва дунни миннул хлакъиравусса бувчѳин бавуртту.

Хъирив Хъун дѳявѳилий бусласисса ихтилат бунни Камил Аьлиевичлул. Ванал барчаллагъ увкунни дуклаки оьрчѳан хайр-мюнпатесса форум бувминнахъ.

- Укунсса меропряттартал хъуннасса агъамшиву дуссар оьрчѳу Ватан ххирану тарбия бавриву. На мудангу хѳадурссара укунсса меропряттартту дуллалисса жагьилтурал чѳарав ацѳан ва ми жула школалий къамул буллан, - увкунни ванал.

Ихтилатру къуртал хъуну махъ хъунни «Дагъусттаннал тарих цѳу буккан баву» тѳисса проектрал лагрулийсса конкурс. Тарих лахъхъаврин хас бувсса конкурс байбивхъуну буссия ларгсса шинал сентябрь зуруй. Конкурсерал хѳасилла бусантѳиссар февраль зурул 18-нний Махѳачкъалалив «Дусшиврул къатраву» хъунтѳисса шадлугърал мажлисрай.

Анриана Аьбдуллаева,
Имара САИДОВА

Тталаткъини Махѳачкъалалив Дусшиврул къатраву хъунни Дагъусттаннал халкъуннал шаэр Сугъури Увайсовлул юбилейрацѳун дархѳусса творчествалул вечер. Гъашину шаэрнан бартлаглагиссар оьрмулул 85 шин.

Поэзиялул ва дусшиврул мажлис



Анриана Аьбдуллаева

Вечерданул сакиншинначитал хъунни Махѳачкъала шагърулул оьрчѳал библиотекалаул зулал. Мажлисрай гъуртту хъунни философийлул элмурдал доктор, профессор Асият Пикъиева, Дагъусттаннал халкъуннал шаэр Космина Исрапилова, Махѳачкъала шагърулул 16-мур школалул лакку мазрал учительница Патѳимат Аьлиева.

Мажлис бачин бувну бѳи ЦѳБС-рал зузала Амира Къурбанова. Ванил бувсунни шаэрнал оьрмулул ва творчествалул ххулия. Шаэрнашалсса цала дусшиврия, хѳала-гъурттушиврия бусласисса, ванацѳун бавхѳусса дакѳиний бичавуртту дуллалисса ихтилатру бунни хъамаллуралгу. Цѳала ихтилатраву Асият Махѳаммадовнал кѳицѳи лавгунни шаэрнал дакѳиний аьчухшиву, хъиншиву, инсаншиву.


Патѳимат Аьлиевал кѳицѳи лавгунни цуппа зузисса школалий Сугъури Увайсов мудангу бусравсса хъамаличуну ушиву, дуклаки оьрчѳан ванащал хъунабакъин гъира бѳѳайшиву.

Космина Исрапилова къуртал бунни цѳала ихтилат шаэрнаха чивчусса «Ницѳавух цѳу хѳалану» тѳисса назмулийну:

*Ницѳирал къячѳилувух
Щил къуса хѳала дуллай,
Бувтунни ина оьрму,
Чан къааннав, Сугъурий!*

*Ккашиллийн цѳугу бѳчлай,
«Ницѳи дукав» чилминнахъ тѳий
Хъунмасса яхѳи бувунни,
Чан къааннав, Сугъурий!*

*Ницѳал бувѳу мазрая
Дакѳинивун бюхлан бѳѳай
Щу-цѳампир бусса махъру
Чан къааннав, Сугъурий!*



Сугъури Увайсов

*Дагъусттаннал хъун шаэр,
Лакрал мухъирал къярттай,
Ттурира ишнай итаннав,
Чан къааннав, Сугъурий!*

Поэзиялул мажлис чѳюлу бунни 5-мур искусствалул школалул оьрчѳал Даниял Шабановлул, Диана Тамадаевал ва Иман Абуковлул шаллу бувсса балайрдал.

Лакку мазрайгу, оьрус мазрайгу бувккунни шаэрнал шеърирду Махѳачкъалалал 1-мур гимназиялул, 16-мур школалул дуклаки оьрчѳал.

Шаэрнахъ барчаллагъ тѳисса ихтилат бунни оьрчѳал библиотекалаул хъунмур Муслимат Апаевал. Ахирданий ихтилат бунни шаэрнал цалагу. Ванал бувсунни дѳявѳилул шиннардийн тѳайла дарцѳусса цала оьрчѳиврия, школалий дуклакисса шиннардия, танийсса зунттал шархъавусса оьрмулия, багъу-бизулия, дакѳиний бивчунни личѳи-личѳисса чѳумал цала оьрмулуву хъусса хѳазсса ишру. Гъирайра цѳаха вѳичѳи дирхъусса оьрчѳахъ дакѳи кѳидачѳлай, ванал бувсунни оьрчѳиний цѳава художник хъун чѳай ивкѳиву. Амма му хѳял барткъалавгнугу, суратру дѳихълансса гъира цѳавува къалевшиву. Ва тастикъ бан кума, бувсунни ларгсса шинал ахирданий Миллатрал библиотекалаву хъушиву цала дирхъусса бусравсса лакрал суратирттал выставка. Цинярдагу суратругу, миннуцѳунсса шеърирдугу цѳѳѳун бувсса «Щарлу ва цѳуртти» тѳисса лу дуняллийн бувкшиву. Ахирданий хъамаллуралгу, оьрчѳалгу шаэрнашал суратру рирцунни.

Цуссалакрал райондалия

«Илкинссар ттул аьзизсса билаят»



Фестивальданий гуртту хьунни райондалул КИулшивуртту дулаврил управлениялул ва тарбиялул давриха зузисса миннал хьиривчутал, учительтал, дукла-

Вай гьантрай Цуссалакрал гимназиялий хьунни Хьунмасса Буттал кIанттул цIанийсса дьавилий Ххувшаву ларсун 75 шин шаврин хас дурсса «Илкинссар ттул аьзизсса билаят» («Широка страна моя родная») цIанилусса фестиваль. Фестиваль най дия кIира кьини. Цалчинмур кьини цала программа ккаккан дунни мюрщими классирттал дуклаки оьрчIал, кIилчинмур кьини – хьуниминнал.

ки оьрчIал нину-ппу.

Авадансса яргсса программалийну дуклаки оьрчIал бувсунни жула билаятрай ялапар хьанахьисса личИ-личИсса миллатирттал оьрмулия, аьдатирттая, магьирлугьрая. Дуклаки оьрчIу цивпагу бия миллатирттал ян-налуву.

Гьарицагу командалул ххаллилсса программа хIадур дурну дия. Залданува шьябивкмигу,

оьрчIавух хIала бувххун, балайрду тIий, хьатру ришлай бия. Жюрилул захIматну бия цания ца команда язи дугьан. Дуклаки оьрчIал цала-цала программа ккаккан дурну махь хьамаллурал барчаллагь увкунни оьрчIахь ва миннашал зий бивкIсса учительтурахь. Райондалий КИулшивуртту дулаврил давриву бивхьусса захIматрахлу Цуссалакрал гимназиялул ди-

ректорнал хьиривчу, ва мероприятиялул сиптачи ва сакин-шинначи Малика ХIажиметован дуллунни ХIурматрал грамота.



Блокадалул ччатI

Шалагу Аьрасатнаву нанисса «Блокадалул ччатI» тIисса акциялий гуртту хьунни Цуссалакрал району. Агьаммур гурттушинна дунни райондалул КИулшивуртту дулаврил идарарттал ва шьраваллал Культуралул кьатрал директортурал.

Акция хьунни Ленинград душманнал шалклува буккан бувсса кьинилун хасну. Акциялул мурад бур билаятрай цIанихьсса тарих ва кьучагьсса вирттал дакIнийн бичаву, ялун нанисса ник Ватан ххирану тарбия шаву. «Блокадалул ччатI» акциялийну дайдирухьунни Хьамакьабитулул ва савлугьрал

шин. Акциялул лишанну хьунни 125 грамм дусса ччатIул касак. Ваксса ччатIул касак булун ккаккан бувну бивкIссар шагьрулул агьалинан Ленинград блокадалува бусса чIумал. Акциялул лагрулий школардай дирхьунни Ленинградрая ва халкьуннайх дурксса кьинилия бусласисса дарсру.

Студентьтуращалсса хьунабакьаву

Цуссалакрал райондалул Магьирлугьрал, жагьилтурал политикалул, спортрал ва туризмалул управлениялул зузалтрал дунни Студентьтурал кьинилун хас дурсса шадлугьрал мероприятияртту. Миннувацца ца хьунни ЦуссачIурттащиял Культуралул кьатлул (№2) директорнал сипталийсса студентьтуращалсса хьунабакьаву.

Студентьтурал байрангу барча дурну, Культуралул кьатлул директорнал бувсуна му байрандалул тарихрая ва муниципун дархIусса аьдатирттая.

- Шалагу дунийлий Студентнал кьини ккалли дайссар личИ-личИсса дуккавил идарарттай

дуклакиминнал цаЧушиврул кьинину.

Студентсса шинну зул оьрмулуву ччаврил асардацIунгу дархIусса, КИулшивурттугу ласайсса, опыту салкьий шайсса яла ххуймур, яла дакIний личИаймур чIунни. Жула шьра-

валлалгу, райондалулгу, билаятрайлул бучIантIимур зуйнни хьар хьанахьисса. Умуд бур зуяту жула райондалул, республикалул ца бюхттул дансса лавайсса даражалул пишакартал хьунссар тIисса, - увкунни ванил. Студентьтуралгу бувсунни цала оьрмулия, дуккаврия.

Ихтилатру кьуртал хьуну махь хьунни личИ-личИсса конкурсеру ва викторинару. Чяйлул стакандалухун аьчухьсса ихтилатру ялагу найма бия студентьтурал ва шьраваллил агьудданул даянви.

ЛачIун буккавил бьаст-ччалданий

Цуссалакрал райондалий ЦуссачIурттащиял шьраву хьунни лачIун буккавил турнир. Ванил сакиншинначитал бия лачIунбуккулт Шамил ХIасанов, Рамазан Гойтемиров ва Мовсар Гулиев.

Бьаст-ччал ххал бан бувкIун бия ЦуссачIурттащиял администрациялул бакIчи Рамазан Набиев ва мунал хьиривчу Вахмурад Исхабов, Цуссалакрал райондалул ДЮСШ-рал директор Анзор Абакаров, шьраваллил спортшколалул директорнал хьиривчу Абу-ХIажи Те-

мирханов ва шьраваллил депутат Юнус Стамбулов. Ихтилатругу бувну, вайннал барчаллагь увкунни спортрал мероприятие хIадур дурминнахь. Турнирдалий гуртту хьунни 30-нния ливчусса спортсментал.

Цинявпагу хьхьичIунсса кIанттурду бувгьуминнал дул-

лунни медаллу ва диплому. ЦуссачIурттащиял администрациялул бакIчи Рамазан Набиевлул дунни арцуийнусса бахшишру. Арцуийнусса бахшишру дунни оьрчIан дакьассагу, вай хIадур бувсса тренер ва ДЮСШ-рал директор Анзор Абакаровлул ва оьрчIал ниттибуттан. Цала чулуха спортрал кьайлушалсса бахшишру дунни оьрчIан спонсортуралгу.

Лажин хIадур дурссар
А. АБДУЛЛАЕВАЛ

Лакрал райондалия

Дурмур чІярур, данмургу кЪачанни

ХІакьину Лакрал район илданул итталу дур

Жулла Лакрал райондалун Ларгесса шин цукунсса дия чирча, ттул пикрилий, сивсуну учин бучІир бахтти бусса, даКІний личІансса, чІалансса ккаккяртгашалсса дия куну. Укун учинсса хІуччардугу чансса бакъар.

Райондалул сий, даража гъаз бан мудангу чялиш увксса, чату цукунсса каши шайрив ххал дулай, хъирив излазисса ур райондалул бакІчи Юсуп МахІаммадов. Ванаха лавхъуну хІарачат буллалисса бур ванал чІарахми ва лагма-ялттумигу.

Юсуп МахІаммадов райондалий каялувшиву дуллаи айивхъуния мукъах зунттал районнал социал иширттал ва маэшатрал давриву Лакрал райондалул цимирагу шинал бувгъунни 1-ми ва 2-ми кІантурду. Ялунма чІалай бур райондалул бакІчинал биялагу хъунма хъанай, чІарав баІлацІимигу гъарза хъанай, махъгу баІлай бушиву. ЧІалай бур, агъалинал мюхтажшувурттугу лаларсун, диялсса къулагъас райондалух дуллаи бушиву.

Райондалул оьрмулду хъунмасса асар биянсса ишну хъунни, цайми районнаяр хъхъичІ, Дагъусттан Республикалал ХІукуматрал председател Артем Здунов бакІчисса делегация 2019-ку шинал райондалийн бучІаву. Хасну му аьрххи сававну дузрайн дуклай сукку хъунни чІярусса, дарІуну диркІесса, строительствалул давуртту ва цайми-цаймигу агъамсса маэсалартту.

Республикалий дачин дурсса царагу программалувух Лакрал район гъуртту къархъуну къалирчІунни. Мукун, «Единая Россия» партиядул сипталий дуллалисса «Комфортная городская среда» тІисса ва агъалинал сипталий дачин дурсса программарттайн бувну дурсса давурттал Гъази-Гъумучиял чІалацІин ххуй чулий даххана дунни, агъалинал багъу-бизу къулай хъунсса шартІру хъунни.


ЦинцІлил, ччюркклил бувгъуну, шярваллил гъайбат зия дуллаи бивкІсса кІанттуя хъунни я баІансса «Жагьилтурал парк». Цамур даражалийн лавхъунни Гъумукхсса Хъунххуллу. Гъумуксса паркраву бусса футболлай буккай майданнив хІатта чирахъирттал чаннай ттуплий булкакисса оьрчІал чІурду чан къашай.

Ххуйсса бушилий най дур Гъухъаливсса Хан-Мюртазялил гъайкал дакьин даврил, мува кІанттай Хъункъапу (арка) баІан баврил давуртту.

Къаккавкма вих ангума захІматну бикІай, ШавкІуллал шярваллил чуллаху ханисса кІирагу неххайх, инсан хІайранансса, загълунсса, уттинин Ккавказнаву къабусса даражалул ламурду, ШавкІрату Шарав асфалт бувтІусса, чирахъирттал чанна лахъан бусса ххуллу буллаи бур учайхту. Укун харжлугъ хъуннасса строительстварду



Лакрал район сакин хъуну 90 шин шаврил шадлугърай «Жагьилтурал парк» тІитІлай



Ттинин Къапкъазнаву къабусса караматсса ламу



зунттал райондалий дуллалаву – алши шавур. Мукунма ххаллилсса ххуллу хъунни Ххюлуссуннал шярвун бияннингу. Щубуккан бунни ШавкІрату ГъувкІравсса ххуллу. ЦІусса ФАП-ру бунни Ххюлусмав ва Къубав. Гъашинугу шанма ФАП бан ккаккан бувну бур райондалий.

Зунттал кІанттайсса шинал мюхтажшин хІисавравун ларсун гъашину зун тІий бур «ТтурчІайнна-Зунтту»

– «КІямаши-ГъунчІукъатИ-Гъухъал» тІисса шин дуцавриха. Мукунна шин дуцинтІий бур Къурлату Лахъирив, Ттурцив, Хъунав ва Хъурхъияту Шарав.

2018-ку шинаву цІу буккан бувхъурча Шардал ва Хъурттал школартту, 2019 шинал цІу бувсар Ккуркуллал ва ЧІуртгациял школартту. Гъашинугу хІадур хъанай бур цайми школартгатаху зун.

Лаккуй ялапар хъанахъи-

сса жяматирттан бакъассагу, шийн бучІайминнан, бучІан ччиннан ххаришиву дагъансса, чІярусса шиннардий хъурдай тІий бивкІсса тІабиабтрал газ буцаву биттур хъанай душиврул хаваргу малхІан кунма бур жула даКІурдин.

2019 шинаву райондалий хъусса яла агъамсса иширан ккалли бан бучІир, жула билаятрал гъарца мурцІиниятуса хъамалгу бувкІун, район сакин хъуну 90 шин шаврил шадлугъ бюхттулсса даражалий шаву. Мунил хъиннура гъаз дунни райондалул сий – республикалийгу, мунил къатІувгу.

Гъалбатта, ца макъалалий, Гъюрш бивкІун, цимурцаннуня бусан къашай. Амма райондалул агъалинал ахІвал, багъу-бизу ххуй баву мурадрайсса, цал архІал дачин дурсса вайксса давуртту Лаккуй тачІаврагу хъуну диркІшиву къаКІулли.

ТІутІайхбичиннавЛаккуулча. Кабакьиннав цинявннацІун!

М. МУСАЛАЕВ,
«Ххяххабаргъ»
кказитрал хъунама редактор

Так ххуй-хъинми хаварду



ДЕЛЬФИННАН – ТАРХЪАНШИВУ!

Канаданаву къамул дурну дур дельфинну ва цайми балугъру инсантал бялахъан буллалисса индустриялуву ишла баврин къадагъа дуллалисса закон.

НАЙРДАНССА ЛИККАЗАННУ

Голландиянаву транспорт дацІан дувайсса кІантурдал магъив, тІугІив ва ххяххия дургъуну, шоллишиврувун дахълаган дурну дур, хасну найрдансса ликказанну хъуншиврул.

ЧИВАРКІУННАН ВА ХЪАННИН АРХІА-АРХІАЛССА ХАРЖРУ

Исландия чиваркІуннан ва хъаннин архІалсса харжру цІакъ бусса цалчинсса билаят хъанай бур.

ПСИХИАТРИЯЛУЛ АНАВАРССА КУМАГ

Швециянаву, цала цивпа оьрмурдацІа къабулланшиврул, аьс хъанахъисса ишру чан хъуншиврул, хІасул бувну бур дуняллий цалчинсса психиатриялул «Анаварсса кумаг».

ДУШ БУВАЙХТУ – МУРХЪРУ БУГЪЛАЙ

Индиянал шяраву, душ бувайхту, мурхъру бугълансса хІукму бувну бур, бугубугъайсса бур 111 мурхъ. Укун бувгъуну бур 350 000 мурхъ.

КЪУСИВБУ КИТРУ ГЪАРЗА ХЪАНАЙ БУР

Къусивбу китирдайн авлий буккан къадагъа дишайхту, ми гъарза хъанай, сайки къуазаруннийн дирну дусса дур цІанакул миннул аьдад.

ЛЕЛУХХАНТ ВА ХХЯХХИЯ ЯДУВАНШИВРУЛ

Нидерландиянаву лелуххант ва ххяххия ядуваншиврул агъалинал цала бувну бур кІира шинал хъхъичІ жазирарду. Тай жазирардай 30 000 лелуххи бусса бур ва 127 жура ххяххиярттал дусса дур.

Ххуйсса хаварду бувсэсар Патимат РАМАЗАНОВАЛ

Ккуллал райондалия

Ккуллал райондалул азарханалул тагъар ххал диргъунни



Аьлил Хамзаев ва Рашид Буржунов

Январь зурул 28-ний «Справедливая Россия – За справедливую медицину» тисса акциялул лагрулий Махачкьалалал Агьалинал ихтиярду дуруччайсса центрдалул каялувчи Аьлил Хамзаев ивунни Ккуллал райондалул азарханалийн.

Имара САИДОВА

Шикку ва хьунаавкъунни райондалул азарханалул хьунама хIакиннал хьиривчу Рашид Буржуновлушал. Райондалул азарханалул тагъар ххал диргъуну махъ, Хамзаевлул цIуххубусу бунни шикку хьин хьанакъисса къашайшалтрахъ.

ХIакьину Ккуллал район-



далул азарханалийн зий ур 30 хIакин. Дузалну бур шикку къашайшалтран булун ккаккан дуккан даврил ва поликлиникалул, амбулаториялул ремонт даврил хIакъиравуссагу.

бувсса цинявпагу даруртту. КъахIисав хьунни хьин хьанакъисса къашайшалт хIакинтурая рязи бакъасса кIантурду.

КIицI лаганну, 2017 шинал Ккуллал райондалул азарханалийн цIуллу-сагъшиврул ссуссу-къушиву дусса инсантуран ккаккан дурсса цинярдагу шартIру дузал дуршиву. Цанасса чIумал райондалул азарханалийн шаллу бан багълай бур анестезиолог ва операцияртту буллалисса хирург акъашивруцIун бавхIусса масъалартту.

Мукунма райондалул азарханалийн цIурувкъюсса масъаларттуну бур УЗИ-лул аппарат, азарханалул транспорт цIу

ЦIусса луттирду

«ХIухчил къадар»

Дагъусттаннал луттирду итабакъай идаралул итабавкъуну, Дуттигъанну бивккунни АбрикI Къянчиевлул «ХIухчил къадар» тисса лу. На ва лу ттунма бахшиш бувсса къиннива буккав шала. ТIайлар, ва луттиравун авторнал бивчусса цаппара къиссарду ва хаварду хьхьичIвагу «ЦIубарз», «ЧIавалачин» журналлайгу бивчуну бивкIссар, чIявуминнал бивккуссар.

ХIажимурад ХIУСАЙНОВ

Лу хIасул бивну бур ххува къиссалия ва урчIва хавардания. «Бяйкъусса аьрххи» ва «ХхурупIай марч» тисса къиссарду бур фантастикалул зумунусса. АбрикI хьанай ур вай къиссардайну лакрал чичултраву цалчин фантастикалул темарду гъаз дурсса авторну.

Луттиран цIа дирзсса «ХIухчил къадар» тисса къиссалул жула хьхьичI бацIан буллай бур революция хьуннинсса зунттал инсантурал оьрму, багъу-бизу. Къиссалувусса зунттал шярваллил ва шагърулул суратру мукун ягинну чIалачIи дурну дурхха, автор ваца цува гай иширттаву хIалану ивкIсса кунна.



Ххал бара зувагу ва луттиравусса асарду, пашман къахьунтIиссару.

Январьданул 28-ний XI. Цадассал цIанийсса Мазрал, литературалул ва магьирлуьгьрал институтраву хьхьичIми шиннардий дурсса хьиривлявурттал хIасиллан хасъсса элмийсса батIаву хьунни.

Элмийсса конференция

Мюхтажну дур дагъусттаннал мазурдил элму жагъилсса пишакартурах



3. АБДУРАХИМАНОВА

БатIаврий гьуртту хьунни РАН ДФИЦ-рай чIумуйну ивтсса каялувчи Акай Муртазаяеву. Шикку гьуртту хьанай бия жула цIанихсса аьлимчу Эса Аьбдуллаеву, АьФ-лул магьирлуьгьрал лайкъ хьусса зузала Гулизар Султановагу.

РАН ДФИЦ-рал циняв институтирттаву январьданул 28-ний февральданул 7-ний нантIиссар укунсса журулул аьлимтурал советру бавтIсса элмийсса конференцияртту.

БатIаву дайдишин хьхьичI дакIнийн бивчуну вайннал ларгмур шинал цала дянива лагсса аьлимталгу, миннавух филологиялул элмурдал доктор Сулайман АхIмадову.

Акай Муртазаяевлул февральданул 8-ний жула билаятрай КIицI лагайсса Аьрасатнал элмулул кинигу чIумуйра барча дурну, маслихIат бивна элмийсса зузалтрахъ грантру ласун баян бувсса конкурсирттай гьурттушина дуллан.

- БувчIлачIисса зат бур жунма гьарнан, мазраха, литературалул ва магьирлуьгьраха зузминнаннир, физикалул элмулул зузминнан бигъашиву ва къулайшиву билаятрал даражалийсса цумур-цагу конкурсрайн

буккан. Мазрал, магьирлуьгьрал элмулухъсса каширду ссуссу-къусса, дазу-зумарду къумасса дур, вайми элмурдал хьхьичIсса гьартасса дунияллух бурувгун, увкуна ванал.

Хьирив институтрал отделал хьуниминнал элмийсса пишакартурал ттинин дурсса хьиривлявурттая, цала хьхьичIсса масъаларттая ва «цIуцIи кIантурдая» булассисса ихтилатру бивна. 2019 шинал дагъусттан мазурдил грамматика ххал дигъавриву дурсса давурттая бивсуна мазрал отделданул хьунама М. Аь. МахIаммадовлул, Дагъусттаннал мазурдил лексикографияля ва лексикологияля бивсуна М.Ш. Халидовлул.

ЧIявуминнал тикрал буллалимур буруккингу бия элмулувун жагъилсса пишакартал най бакъашивриясса.

Цинявннал КIицI лаглай, пахрулулусса иширан ва хьунма-сса захIматран ккаллий буллай бия ларгсса шинал итабакьин бювхъусса Э. Аьбдуллаевлул «Оьрус мазрал ва лакку мазрал словарь». Тираж чIирисса дуну, ттигу чIявуминнахъхьун ккаккан ва канил бугъан къабиривсса лу бия ва.

БатIаврил ахирданий элмийсса пишакартурал дянив ихтилатру хьуна.

Объявление

С 9 января 2020 года начат прием заявок на участие в конкурсном отборе получателей грантов на реализацию проектов по разработке отечественного программного обеспечения и увеличения его доли в условиях цифровой экономики, а также по разработке технологических решений по созданию федеральных и региональных государственных информационных ресурсов с использованием технологий распределенных реестров, внедрением методов и технологий обработки и хранения информации. Компании-разработчики отечественного программного обеспечения могут получить грант

на разработку и доработку программного обеспечения в рамках перспективных информационных технологий, важных для развития Российской Федерации. На такую поддержку будет выделено 1,47 млрд. руб. Сумма гранта на проект составит от 10 млн. до 500 млн. руб. при предоставлении финансирования в объеме не менее 50% от общей сметы проекта.

Заявки на грант можно подать до 28 февраля 2020 года с понедельника по пятницу с 10 до 18 часов по московскому времени по адресу: г. Москва, Пресненская набережная, д. 8, стр. 1, этаж 4.

Вся необходимая конкурсная документация размещена на сайте РФРИТ <https://xn--hlarpjh.xn--plai/konkursnyy-otbor-2020>.

Ххувшаву ларсун 75 шин шаврийн Фотосуратирттайнусса Хъун дяъвилул тарих



Хъун дяъвилул гурттучитал (ш. Чййми)



Къадир Жамалов (ш. Къян) ва Хіажи Инчилов (ш. Ссугъраци)

Абдулвагъаб Нураттинов, Гъарун Рашидов,
Махаммадрасул Къурбанов (ш. Цушар)

Никирая Никирайн нанисса балайрдал конкурс

Бюхттулсса Ххувшаврил 75 шинан хасну, Республикалул Халкъуннал творчествалул къатлул дуллаи бур «Песни поколений» цанилулсса творчествалул флешмоб. Ва даврил агъаммур мурадгу бур хъяхичІавасса халкъуннал балайрду машгъур баву, ябаву.

Бадрижамал АБЛИЕВА

Акциялул давривух гуртту хъун бюхъантІиссар ччима инсаннаша, ци оърмулул ва ци касму-сянатрал унугу. Гуртту хъуншиврул, халкъуннал балай шаллу буллалисса ххуйсса даражалул видео, ларсун, гъан дуван аркинссар. Миккура дикІан аркинссар му балай тІутІисса таксса инсанная ягу коллектив-рая бусласисса чичру.

Флешмоб нантІиссар шинал лагрулий. Муний гуртту хъанахъиминнал балайрду тІутІисса видеорду дирхъуну дикІантІиссар Республикалул Халкъуннал творчествалул къатлул соцсетирдайсса лажинтиртай.

Акцилийнесса давуртту гъан дуван бюхъантІиссар ва электрон адресрай:

oio-rdnt@mail.ru.

АхІмад-Хан Султаннул Гъаваллавунсса Махъва-махъсса аьрххи

Февраль зурул 1-нний 1971 шинал, ТУ-16 тІисса цІусса самолёт-рал хІал ккаклай унува, ивкІуссар Совет Союзрал КІийла Виричу, СССР-данул лайкъ хъусса лётчик-испытатель, подполковник АхІмад-Хан Султан.

ПатІимат РАМАЗАНОВА

Цанихсса лётчикнашал ЦархІал ливтІуссар 3-мур классрал лётчик-испытатель Евгений Венедиктов, 1-мур классрал штурман-испытатель Вильям Михайловский, авиадвигательлал хІал ккаклакисса хъунама инженер Радий Ленский, бортрадист-испытатель Алексей Воробьёв. Вайннашал экипажраву икІан аьркинну бивкІуссар хъунама инженернал кумагчи Вячеслав Мокроусов, амма ва чІал хъанай ивкІун ур, мунияту командирнал хІукму буну бур ва акъанува леххан.

Тания шихунмай къабагълай бакъар самолёт дагъаврил версияртгал ялусса хавардугу. Къиримнал журналист Ибраим Военныйл уттигъанну чивчунни циняв версияртту аьшу-дазуи авцІуну ххал дигълагъисса макъала. Ва макъала социал сетирдай машгъурну дур, вания гъалгъа тІий бур, чичлай бур.

Аьрасатнал Виричу, СССР-данул лайкъ хъусса лёт-

Къиримнал журналист Ибраим Военныйл уттигъанну чивчунни циняв версияртту аьшуй-дазуи авцІуну ххал дигълагъисса макъала. Ва макъала социал сетирдай машгъурну дур, вания гъалгъа тІий бур, чичлай бур.

чик-испытатель П. Казьмин ур: «Экипажрал ца член акъанува ссавруннайн гъаз шаврилли бала бувцусса, му гъаваллаву испытат буллалисса двигательданул хъирир ацІанмая, муналмур давугу агъамссия», - тІий. Цалчинмур классрал аьрали лётчик Юрий Фёдоров ур АхІмад-Хан Султан аьйкъуссар тІисса иш бикІан къабюхъайссар, авиациялул ас, опыт бусса, сивсусса, даву канилух дурксса лётчик-я, та, цанилва душмантравун зурзу бутайяисса тІий. Пикрирду кувнния кув архсса, личІи-личІисса бур. Гъаннайсса, самолет пІякъ учаврил ссигъа ссигъанува ливчІун бур. АхІмад-Хан Султан политикалул иширттавул хІала уххайсса инсан къаивкІун ур, мунал давугу, оьрмугу, массавгу – ссав ва самолету диркІун дур. АхІмад-Хан Султан цала машгъуршиврия ламус буллалисса, цалва гъу-



АхІмад-Хан уссицал Имраннуцал ва Аьрасатнал халкъуннал артист Ярагъи Хіажикъурбановлуцал



Уссу Имраннуцал

нардая зумавагу къаахъайсса аьрали лётчик ивкІун ур. Ванал ссурахъу Небир Садлаев буслай ур, Алупкалийсса цалва бюстрал чІарах нанийни, АхІмад-Хан, яругу лабитлай, дири уккайва, хъамаллуран ва экскурсоводтуран цува къаувчІиншиврул тІий.

Ссавруннах эшкъи хъусса сванал жангу дулуну дур бюхттулний. Ссавруннай. Учарухха, эшкъилул ччувчума куну. Ссавруннахсса эшкъилул ччувчуну лавгсса кунмасса бивкІу хъуну бур. Гъашину АхІмад-Хан ниттил увну 100 шин хъунтІий дур. Ва сурат ттучІан гъан дунни АхІмад-Хан Султаннул ссурахъу Алла Аппазовал.

Суратрай АхІмад-Хан уссицал Имраннуцал ва Аьрасатнал халкъуннал артист Ярагъи Хіажикъурбановлуцал. ВайнначІа бавцІусса чІивисса

душ цурир Аллан КІулну бакъар, КІул буван къахъунссияв тІий бур. Бюхъай Ярагъи Хіажикъурбановлул душ бикІангу, бусияра КІулнал.

КІилчинмур сурат ларгмур шинал дунияллия лавгсса тарихчи, чичу Дундар Хіажиевлул архивраватуссар. Ваний уссицал, Имраннуцал, ур АхІмад-Хан Султан. Къиримнал кказитиртай, мукунма социал сетирдайсса къиримнал сегментрай ва блогиртай ва суратгу, суратрал хІалкъазия бусласисса Дундар Хіажиевлуясса ттул текстту машгъурну дур тІий бур Алла Аппазова.

АхІмад-Хан Султан, цала тІийкун, Совет билаятрал арери. Дунияллия лавгун махъгума Дагъусттаннал, Аьрасатнал ва Къиримнал агъулданул дусшиврул арарду цІакъ дуллалисса аслани.



ИТНИ, 3 ФЕВРАЛЬ
05.00 «Доброе утро».
09.00 Новости.
09.25 «Доброе утро».
09.55 «Модный приговор».

03.05 «Время покажет». (16+).
ТТАЛАТ, 4 ФЕВРАЛЬ
05.00 «Доброе утро».
09.00 Новости.
09.25 «Доброе утро».

АРВАХИ, 5 ФЕВРАЛЬ
05.00 «Доброе утро».
09.00 Новости.
09.25 «Доброе утро».

09.00 Новости.
09.25 «Доброе утро».
09.55 «Модный приговор».

09.55 «Модный приговор».
10.55 «Жить здорово!» (16+).
12.00 Новости.

09.00 «Умницы и умники». (12+).
09.45 «Слово пастыря».
10.00 Новости.

06.00 Новости.
06.10 Комедия «Моя мама - невеста». (12+).

РОССИЯ 1
ИТНИ, 3 ФЕВРАЛЬ
05.00 «Утро России».
7.35-8.41 Вести-Дагестан
8.07-8.10 Вести-Дагестан

программа Ильмана Алиплатова.
19.55 Реклама
20.00 ВЕСТИ.
20.45 Вести-Дагестан

18.50 Реклама
18.55 Документальный фильм «Преподователь»

17.00 Вести-Дагестан
17.25 «60 Минут». Ток-шоу Ольгой Скабеевой и Евгением Поповым [12+]

Скабеевой и Евгением Поповым [12+]
14.00 ВЕСТИ.
14.25 Вести-Дагестан

Корчевниковым [12+]
12.50 «60 Минут». Ток-шоу Ольгой Скабеевой и Евгением Поповым [12+]

13.40 Фильм «Крылья Пегаса». 2017г. [12+]
18.00 «Привет, Андрей!». Вечернее шоу Андрея Малахова. [12+]

РГВК
ИТНИ, 3 ФЕВРАЛЬ
06.50 «Заряжайся!» 0+
07.00 Время новостей Дагестана.

языке «Мил» 12+
05.30 Х/ф «Небесный тихоход» 0+
ТТАЛАТ, 4 ФЕВРАЛЬ
06.50 «Заряжайся!» 0+
07.00 Время новостей Дагестана

04.55 Передача на лакском языке «Арыши на апылу» 12+
05.30 Х/ф «Анна на шее» 0+

02.30 Х/ф «Сага о Форсайтах» 12+
04.30 «Алами на замана» 12+
05.05 «Городская среда» 12+

12+
01.50 Д/с «Тайны века» 4 с. 16+
02.30 Х/ф «Военно-полевой госпиталь» 12+

01.15 «Заманлар гете, халк гетмес» 12+
01.50 Д/с «Тайны века» 5 с. 16+

02.45 Х/ф «Непрошенная» 12+
04.40 «Вахтар ва инсанар» 12+
05.15 Золотая коллекция фильмов родину кар. Ф/к «Мелодии Дагестана» 6+

ИТНИ, 3 ФЕВРАЛЬ
05.10 Т/с «Девятый отдел». (16+).
06.00 Т/с «Москва. Три вокзала». (16+).

00.15 «Мы и наука. Наука и мь». (12+).
01.20 Т/с «Морские дьяволы». (16+).

00.05 «ДНК». (16+).
01.05 Т/с «Морские дьяволы». (16+).

00.05 «ДНК». (16+).
01.05 Т/с «Морские дьяволы». (16+).

00.05 «Захар Прилепин. Уроки русского». (12+).
00.35 «ДНК». (16+).

23.35 «Квартирник НТВ у Маргулиса». ST. (16+).

23.30 «Своя правда» с Р. Бабаяном. (16+).

«Илчилул» календарь Ва нюзмардий увссар

Февраль зурул 2-нний 1893 шинал увссар медициналул эл-мурдал доктор, профессор МахИаммад Къажлаев.

Баян буллаи буру

Редакциялулун дархИусса цусса тIалавшиннардайн буну, гъашинусса шиналсса январь зурул 1-нний шинмай «Илчилий» бишлашисса барча бавурттал текстру бикIантИссар укунсса багьрал лагрулий:

укунсса барча баву – 200 къ.
суратрашалсса барча баву – 500 къ.

«ИЛЧИЛУЛ» редакция

Подписка - 2020

Лакку кказит зуша бучIан бан хъанахъиссар шанма ххуллу-ххуттайх:

УФПС-райх

ДачИи шинайсса багъа – 396 къ.

Зуруйсса багъа – 66 къ.

Дагпечатьрайх

ДачИи шинайсса багъа – 182 къ.

Зуруйсса багъа – 31 къ.

«Почта России» сай-трайхчин

<https://podpiska.pochta.ru/press/P7046>

ДачИи шинайсса багъа – 396 къ.

Зуруйсса багъа – 66 къ.

Редакциялийхчин

● Дагъусттаннал дазул къатIув - 2250 къ.

● МахIачкъалалив ца адрес-райн 20-ннийр ххисса чивчуну бухьурчан - 260 къ.

Бусравминная

ХIайп учинсса кIану къавхъуссар

Чансса бакъар жула хъунмур никирал дянив эбрат ласун жульгитран цаятува мюнпат-хайр буну ччисса, цала ЧIумуйгу, цIуллу-сагъшиврийгу мяш къавхъуну, жяматийсса иширттавух гьурттушиву дуллалисса хъами-чиваркI. Цанасса ихтилатгу жула республикалул хъуншагьрулул Кировский райондалул Хъунисриннал советрал хъунаманал хъириривчуну зузисса ва чIявучин кIулсса, ЧIайннал шяраватусса АбдурахIманов ТIалхIат Жавраиллул ар-наяр.

Залму АБДУРАХIМАНОВА

Увну ур ТIалхIат 1936 шинал декабрьданул ахир-даний. ЧIивину унува нинупугу ялату лавгун, захIматрал ххуллийн ТIалхIат увккун ур 9 шинаву, зий ивкIун ур хъуна-ма уссишал хIухчуну. Колхоз-рал ризкъи-къинилухсса ЧIиви оьрчIал дакIнийсса хиялмур дуккавришIун, цанма оьрмулул пиша лахъхъинсса гьирарацIун бавхIусса бивкIун бур. Буттал шяраву школагу къуртал буну, дуклан лавгун ур Аьшттарханнал банкрал учетно-кредитрал техникумравун. Мунил хъи-рив къуртал буну Самараллал машлул институт, бухгалтер-экономистнал пишакаршиву ларсун дур. Ялагу Москвавул-лал шяраваллил хозийствалул академиялий къуртал буну бур шанма зуруйсса курсу. Зий ивкIун ур Кулал райондалул шяраваллил хозийствалул управлениялий, ЦI.Маккаевлул



ТIалхIат АбдурахIманов

цIанийсса ЧIайннал колхозра-ву. МахIачкъалалив ивзун махъ 23 шин дурну дур «Даггазрай» хъунама бухгалтерну зий, Му-нийр махъгу, пенсиялийн уккан-

нин, зий ивкIун ур «Газпром-рай», Республикалул хъуслил фондрай. ТIалхIатлул 15 шин хъанай дур хIалалсса пенсия-лийн увккун.

ХIакъинусса къини жула би-ляятрайгу, дуняллийгу хъана-хъисса личИи-личИисса иширттая хавар бусса хъуначу жагьилмур никиран ци ккакканавав, вайн-нал бакIрачIан ци бучIанавав тIий, дакI ций ур.

ТIалхIат ур 12 оьрчIалоьрчIал ттаттагу. Оьрмулул ххуллий, личИи-личИисса кIанттурдай зий, лайкъ хъуну ур ва чIярусса на-градарттан. Ттушалсса ихтила-травугу ва кIишI буллаи ур, оьр-мулуву цан ххуйсса бакъа халкъ къахъунабавкъуссар ва хIайп учинсса кIану цавагу къавхъу-ссар тIий.

Яла лахъмур цаннасса бах-шишрангу ТIалхIат ккаллий бул-лай ур тIайласса ххуллийх на-нисса, хъунанал увкумур лала-сайсса, чIивинал хIурмат бусса ва захIматрал къимат кIулсса наслу бизаву.

Увсса къинигу барча дуллаи, чIа учин ччай бур ванан цIуллушиву ва кашки-къудрат. Итаннав ина ттигу чIярусса шиннардий вила ххираминнал дянив хIурмат-иззатрай, дус-ихтивартурал дянив къадру-къиматрай.



МахIаммад Танкаев

Юбилейран хасну

Генерал-полковник Танкаевлул – 100 шин



Танкаевлул бувтсса оьрмулул лавайсса къимат бишлашисса ихтилатру бунна ванащал ца ин-ститутраву зий ивкIсса генерал-лейтенант А. Афанасьевлул, Москвавулал Аьрали гужирдал

ветерантурал комитетрал хъу-нама, генерал-майор А. Голобо-родовлул, юстициялул генерал-лейтенант Х. Жантаевлул ва цаймигу генералтурал. Гьуртту-шинна дурминнавух бия Аьра-



сатнал Федерациялул Конститу-циялул судрал судья, Аьрасатнал ва Дагъусттаннал лайкъ хъусса ттаннал национал политикалул ва динийсса иширттал министр Энрик Муслимов, профессортал ХIажи Аьлиев, АбдурахIман Халилов ва цаймигу жяматийсса

ишккакулт, политиктал. Тан-каевлул цIанийсса патриот тар-бия дулайсса фондрал генерал-полковникнал орден дуллуна ва-нащал зий ивкIсса В. Афанасьев-лунгу, «Дагъусттан» МЦК-лул Президент Арсен ХIусайновлул ва вице-президент БатIи Оьма-рован.



Январь зурул 25-нний Мо-сквавулал мэриялул кон-цертру дай залдану хъун-ни машгьурсса военачальник, генерал-полковник МахIаммад Танкаев увну 100 шин шав-рин хас дурсса мероприятие. Ва хIадур дурну дия Моска-вулал «Дагъусттан» культу-ралул центрданул Аьрасат-нал ПрезидентначИсса Дагъус-таннал Постпредствалул каба-къаврийну.

ПатIимат РАМАЗАНОВА

Дайдихъулий махъ лахълай, кIишI лавгсса центрданул Пре-зидент, Аьрали элмурдал ака-демиялул академик, профессор Арсен ХIусайновлул кIишI лав-гуна МахIаммад Танкаев дя-вилулул цIаравух увксса фронто-вик ушиву, «Освенцим» тархъан бувминнавух ивкIшиву ва цала бюхъу-хIарачатрайну генерал-полковникнал чин ларссса му-нал оьрму уттизаманлул ники-ран чувшиврул ва патриотиз-малул эбратну хъанахъишиву.

**КЪАХХУЙССАР:**

Дакъуча цала думуня пахру баву.

Мискинной бювкьу баву.

Бувсса хьинбалдарахлу барчаллагь учин хьамабитаву.

Таршиврухьхьун хьхьури итадакьаву.

Угьараманаяр лахьну гьалгьа тIутIаву.

Ихтилатраву инсан аьличIан аву.

Угьаранан ххуллу къабулаву.

Щялмахъ бувсун, инсан аьйкьин аву.

Инсан сан къааву.

Лажин ккарккун, махъ бусаву.

Низам дакъасса къаттакъуш.

ДавричIа карчI дуллалаву.

ТIабиаьтрал ххуйшиву хIисав къашаву.

Дунура дукан мяш хьанакъаву.

Цала лякъа кIунтил къадугьаву.

Лурттурасса ласаву.

СситтучIа ссавур къадаву.

Бюхьлай бунува, инсаннан хьинбала къабаву.

Цила чIумал пиша къалакьхьаву.

Цила чIумал дукъаккаву.

Цила чIумал къатлул къашаву.

Адав дакъа хьамитайпалущал гьалгьа тIаву.

Цала бувсун, цува хьяхьаву.

Лакъсса хьяхьаву дуллалаву.

Пикри шашан къабунува, даву дайдишаву.

Жаматрай чув оькки-ккаккул уллалаву.

Дарсеру-насихIатру

Жулва лакрал халкъуннал цала оьрмулцун, багьу-бизулуцун бавхIусса, цанмагу, чингу мюнпатесса насихIатру чансса бакъар. Язи бугьарду жугу миннувацца цаппара «ЧимучIалтун».



Сурат К. Чутуевдул

Хьирив къалавнува, цаманал дурмур дуллалаву.

Хьирив къалавнува, инсаннай бювкьу баву.

Бусрав бакъана, чил иширттаву хIала ухлахаву.

БивкIулийн ттайсса янна лакъаву.

Дукралух оьмуня гьалгьа тIаву.

Цайми дуркуну къуртал хьуннин къуса щяв дишаву.

Залуннал дукралийн катIитиннин къаацIаву.

Дукралух чIаравнал ялтту катIитIлатIаву.

Оькъавкуна ссупралух щяикIаву.

Чилмур оькки дуллау, цаламуня пахру-ххара буллалаву.

Бурушин буллалаву.

Щукъавххунма, насихIатру бусласаву.

Чил ихтилатравух, аьркиншиву дакъана, хIала уххаву.

Чил чагьар буккаву.

Цайминнах махъа вичIи дишаву.

Лавьссар
Ххазина АМИНОВАЛ
«Ссурулкуртта» тIисса
блограя

МАЗЯЙХЪАЛ КАЗБЕК**Щулгьирдаясса щугьлурду****ЧимучIали**

*Агь, цила хьаттирду
Дурну тIуркIутIи;
ЧIаллуй бия ливккун,
Ца, чIимучIали!*

АькI

*Агь, цавакхай щулгьир,
Валлагь, хьинну аькI!
Агь, чал лавчIун лякьлуйн,
ХIачIай цинма оь!*

Най

*Бур, валлагь, барачат,
Агь, най инсаннан!
Дарувсса, дармансса
Дулай ницI ганил.*

Аьнхъа

*КъатIрачIа аьнчуттул,
Агь, бикIай аьнхъри!
Аьнхъри къабаймири,
Агь, ицийчIав цими!*

ХъацI

*Ликкай хьункIултIутIай,
Агь, чIавуну хъацI!
Къункьал тIааьниширул
ТитIлан бикIай къацI!*

Барзукка

*Амудадал майрайн
Шуна барзукка:
Агь, дагьуна щягьу
Канихьсса зукка!*

ГъангъаратIи

*Гьич гьапул къалагай,
Агь, гъангъаратIи.
Бусса кунма хьатIи
ДакI дуну бикIай.*

Аьнхъа

*ТIюххассар тIий аьнхъа
Къабулланну хъа;
Хханссар бурмакьяцIа,
КъацI, валлагь, аьнхълул!*

Ажари

*АьнакIал паччахIну,
Агь, цуппа чIалай;
Къудурну ажарттул
БакI дуьгай ссука.*

Вяркьу**ва къягьу**

*Къягьул куна вяркьухъ:
«Бура авлия!
ТIий вярхъ-вярхъ, цимурца
Дувара пана!»*

Зимиз ва ккацца

*Валлагь, га зимизрал
Къабитай ккацца!
Бувххун га магьралун,
ТIун бикIай къацца!*

Ттукку

*Бур къакулсса буххан
Ттукку зузала!
Байчара бур, валлагь,
Къакулсса бацIан!*

*Тарс бацIланнив ххирар
Ттуккун чIавуну!
Бюругу букайсса
Буссар бюхьугу!*

*Ччима, валлагь, ттуккул
Итайссар буртти.
ОьрчIан га цархъаву
Ца ххирамурди!*

*Агь, хьинсса зузалар
Ттукку мудангу!
Ганил хIурмат тIурча,
Бай, валлагь, чанну!*

*Дай га ттуккуйн лаян,
Бакъа цими, ттархъ,
Чайх тIурчарив бицай
Щун къахьунну мархъ.*

*Агь, байчара зийна
БикIай мудангу!
Агь, къаший гания
ЦучIав рязигу.*

Ччикку

*Жула чай яхI бакьуйн
Ур куну ттукку.
ЯхI бакьурив тIурча,
Бухьунссар ччикку.*

*Экьиличай оьрчIру
Чил къорттаравун.
Амма цилва учай
Пащманну балай.*

*Агь, учайча ккивкку
Бюххану ччиккул.*

«ЧимучАли»

КОРНЕЙ ЧУКОВСКИЙ
ОьрчАл калимартту

«Кира шиня ххюра шинайн бияннин» тIисса луттирива



Жул хьуннабавал кIинттул кьазру бивхссар, ми дякий кьашай кьахьуншиврул.

- Хьуннабавай, ина дирчIантIиссарав?
- ДирчIантIиссара.
- Кьуви дуркун, аьршаравух дишинтIиссарав?
- ДишинтIиссара.
- КуртIну дишинтIиссарав?
- КуртIнукьай-куртIну.
- Муна му чIумал на вил янна дуруххай машиналул нигь гьангьа дуллантIиссара!

Жоржлул кьюнукайшатта чIатIух кIибувхьун бур.
- Циван дував ина му даву?
- Кьюнукайшатта цуппал бизар хьанай бия, утти вай кIива хьуссар, бизаршиву кьадикIантIиссар.

ТаттамукIру хьуну урарснал оьрчIахь цанма чIивитIу ащаву цуцу уван кьаIушшиврий.
- Амудада чIирисса дунн, ина му цукун даIайссия? - чайва тIар оьрчIал.

Мукьра шин ва дачIи хьусса душнихь «Чавахьрая ва чавахьру бугьютусса» магьа бувккуну бур.
- Мунакьай зуна ахIмакьсса кьужа, балугьрахь жагь цIусса

кьатри, жагь цIусса урцIи дула тIий, миннатуру буллалисса. Найбунува цIусса кьари дула учин аьркинссия, - учайва тIар душнил.

- Няняй, ци алжаннуя буслай дур ина, му цири?
- Гьивч, хьюрт, апельсинну, бягьи, кьакан бусса кIану...
- Агьа, бувчIунни, алжан - му компотри.

ОьрчI лахьну, цинявннан баянну:
- Амудада ссахIвандалией нетIа шюшлай дур!
- Амудадал нетIа дакьар, лажин дур.
ХIисав ларсун, уруглайгу ивкIун:
- Чан-кьансса нетIагу дурчала!

- Гьула, Нюрай, гьарча тти, маьтIутIра, кьабагьу!
- На вин аьтIий бакьарахха, ниттилессу Симан аьтIий бура.

ТутIал суратру дихьлай бур чIивисса душ, миннул лагма кIунтIругу бихьлай.
- Ми кIунтIру цир? Зимизрурив?
- ТутIал кьанкьри!

Таржума
ПатIимат РАМАЗАНОВАЛ

«ЧимучАли» хIадур бувссар ПатIимат РАМАЗАНОВАЛ

Спорт

Дуккавривугу,
спортравугу хьхьичIунну

П. РАМАЗАНОВА

Рустамлул душ Абдуллаева Анжелина дуклай бур МахIачкьалалив, 8-мур школалий 7 классраву. Ва цуппагу Бярнихиял шьраватусса цIанихсса наслулиятусса бур. МарцIну хьювардай дуклай бушивруцIун, спортравугу итхьявхсса, хьхьичIун бурувгсса, бюхьу-хIарачатрай кьущу тутIисса душ бур. Спорт хIирасса Анжелинал тхэквондолул первенствардай хьхьичIунсса кIанттурду бувгьуну бур уттинигу Дагьусттаннал, Ухссавнил Ккавказулул ва шалвагу Аьрасатнал лагрулийсса турнирдай. Уттигу Анжелинал Аьрасатнал тхэквондолул чемпионатрай цалчинсса кIану бувгьуну бур, ванин мусил ххаллай чирчусса лухIисса мухIлу дуллу дур. Барча тIий буру Анжелахь ва ххувшавугу, ххув хьуминнан дулайсса лухIи мухIлугу.
Ва цIанакул хIадур хьанай



Анжелина Абдуллаева хьхьичIухуттай бавцIумур

бур Швейцариянаву хьунтIисса чемпионатрайн. ДакIнихтуну чIа учинну тихагу ххувшавришал бучIаву. ТIайлабацIу баннав!

Воркаутру —
республикалул
школардангуМиннувух —
Лакрал ва
Щуссалакрал
районнайссан-
нунгу

Хьюлуссуннал школалул физкультуралул учитель Акаев Сагьир (урчIах) ва дуклаки оьрчIру воркаут-майданнин

ДР-лул КIушвиу дулаврил ва элмулул министрствалул ларгсса шинал республикалул 176 школа воркаут-плошадкардал шаллу бувну бур. БакIрайва 2019 шинал воркаут-плошадкардал шаллу буван пландалийн лавсун бивкIессар 120 школа. Дурсса экономиялул электрон аукционнайн бувну шаллу буван бювхьуссар ккаккан бувссаннуяр чIявусса.

Бадрижамал АБЛИЕВА

ХIакьинусса кьининин воркаут-майданну буми хIисав буларча, цинявпагу 750 школа хьанай бур. Ларгсса шинал ялагу Министерствалул итадаркьуну дур 17 школалул (ккаккан бувсса 10-ннин кIанай) спортзал бакьин бувансса арцу. Министерствалул кабакьарийну давуртту дурну дур, аьмну хIисав бувну, 193 школалий (2018-ку шинал - 174 школа).

ДР-лул КIушвиу дулаврил ва элмулул министрствалийн оьвкуну, кIул бан бювхьунни ларгсса шинал воркаут-майданну дузал бувминнувух бушиву Лакрал ва Щуссалакрал районнал цаппарасса школардугу: Лакрал райондалией - Хьюлуссуннал ва Уриннал школарду; Щуссалакрал райондалией - Гьамияциял №2, Щуссаккуллал №1, ЩуссачIурттациял №1, Ча-

паеволлал №2 ва Гьамияциял №1 школартту (мукунма Банаяртулал ва Барчхойортулал школарду).

Ва шиналмур сияхIрайн (110 школа - воркаут-майданну бувансса ва 10 школа - спортзаллу бакьин бувансса) лакрал шархьал школарду багьсса-кьабагьсса целсса кьаIулли.

Хьюлуссуннал школалул физкультуралул учитель Акаев Сагьир Абдулкаримлул арс буслай ур:

- Жу хьинну ххарину буссару укунсса хIаллихшиннарда. Физкультуралул дарсирдай бакьассагу, дарсирдай итабавкьуну махьгу дуклаки оьрчIру воркаут-майдандалиейри бусса. Гьарца переменалийгу оьрчIру шиккунни батIайсса. Хьинну дюхь дусса, хIалусса майдан бур. Ва майдан сакин бувну махь физкультуралул дарсру дишавривугу ттун хьунмасса кумаг хьунни, - тIий ур Сагьир.

Ярыгиннул
турнирданий

Вай гьантрай Красноярский хьусса лачIун буккавил Иван Ярыгиннул цIанийсса дуняллул халкьуннал дянивсса 31-мур турнирданий (Гран-при «Иван Ярыгин») жулла республикалул цацIундур командалул ларсунни 17 медаль.

Дагьусттанлултурал ларсунни 3 мусил медаль: Кьурбан Шираевлул (65 кило), МахIаммадрасул ГьазимахIаммадовлул (74 кило) ва МахIаммад Рамазановлул (79 кило). Шираев ва Рамазанов цалчин ххув хьуссар Ярыгиннул турнирданий, ГьазимахIаммадовлул ва КIилчинсса мусил медалли.

Арула лачIунукуккул ларсунни арцул медаллу: АхIмад Идрисовлул (57 кило), Рамазан Ферзалиевлул (61 кило), Рамазан Ферзалиевлул (74 кило), АхIмад ХIажимахIаммадовлул (79 кило), Даурен Кургулиевлул (86 кило), Аьлихан Жабраиловлул (92 кило), МахIаммадхан МахIаммадовлул (97 кило).

Мукунна арулуннал ларсунни чарвитул медаллу: Рамазан ХIамзатовлул (57 кило), АьппасхIажи МахIаммадовлул (61 кило), МахIаммад Кьурбаньялиевлул (74 кило), Халил Аминовлул (79 кило), Арсенали Мусалаьлиевлул (86 кило), Шамил Мусаевлул (97 кило), Шамил Шариповлул (125 кило).

Боксрай —
8 мусил медаль

Ставрополлал улкуллал Суворовская станциалий вай гьантрай хьусса СКФО-лул первенствалий Дагьусттаннал цацIундур командалул ларсунни 8 мусил медаль.

Цалчинми кIанттурду бувгьунни Аьлим Шамшидовлул (49 кило), Айгум Кьазахьмурзаевлул (52 кило), Иордан АхIмадовлул (56 кило), Залимхан Абулашевлул (64 кило), Аьлихан Янгизбиевлул (69 кило), Илман Баймурзаевлул (75 кило). Душваврава яла хьхьичIунмину бур Кристина Плетнева (51 кило) ва ПатIимат МахIаммадова (64 кило).

Ва ялагу, Республикалул 6 боксернал ларсунни арцул медаллу ва микссанналла - чарвитулссагу.

Ушу-саньдалул
чемпионтал

Январьданул 24-26-нний Каспийский хьусса ушу-саньдалул республикалул чемпионатрай ххув хьуми ккаккан бунни. Бяст-ччаллу хьунни Аьли Аьлиевлул цIанийсса Спортрал кьатраву 10 кIушвирий.

Чемпионтал хьунни: Билал Ссамадов (48 кило), Ражав Алюков (52 кило), Беслан БахIамадов (60 кило), Шамил Лабазанов (65 кило), Халил Сардаров (70 кило), Салауттин Абушев (75 кило), Умар Умаров (80 кило), Жьпар МахIаммадов (85 кило), Дамада МахIаммадов (90 кило) ва Ислам Юсупов (90 кило).

Чемпионтал гьуртту хьунтIий бур СКФО-лул ва Аьрасатнал турнирдай.

ХIадур бувссар
ХI. АБДИЛОВЛУЛ

Аьрасатнал жагьилтурал бакIчи

Дагъусттанлув, къумукь оьрчI, Вали Арсланаьлиев Шалагу Аьрасатнал жагьилтурал организациялул председателна хьиривчуну ивтунни.

Бадрижамал АБЛИЕВА

Январьданул 25-26-нний Москавлив, Аьрасатнал Студенттурал къинилун хас дурсса давуртгавух, хьунни «Аьрасатнал студенттурал ва миннал сакиншиннардал ассоциация» (Аьрасатнал АСО) тIисса цанилусса Шалагу Аьрасатнал жагьилтурал суккушиндарал батIаву. Мунни дунни ва шинал дувансса давурттал план ва къамул бунни агьамсса хIукмурду. Микку Дагъусттаннал региондалул отделениялул председател, Аьрасатнал АСО-лул Центральный советрал член Вали Арсланаьлиев ивтунни Шалагу Аьрасатнал жагьилтурал организациялул председателна хьиривчуну.

ХьхьичIва Вали ивкIссар ДГУ-лул Жагьилтурал иширтталсса бувайсса комитетрал каялувчуну, мукуна зий ивкIссар ДР-лул Жагьилтурал иширтталсса бувайсса министрствалий, 2016 шиная шийнай – Аьрасатнал АСО-лул ДРО-лул каялувчи,



Вали Арсланаьлиев

2018 шиная шийнай – Центральный советрал член.

Дагъусттаннал жагьилтурал хьхьичIунсса вакилнан ккаллисса Вали Арсланаьлиевлул уттин къачансса наградартту ларсун дур, миннвух – Аьрасатнал Федерациялул Президентнал чулухасса Барчаллагьрал чагьар ва грамотагу.

ПасихIшиврул конкурс

Январь зурул 24-нний МахIачкъала шагьрулул 1-мур гимназиялий хьунни Дагъусттаннал автортурал произведенияртту ниттил мазрай пасихIну буккавил шагьрулул дуклаки оьрчIал даянвсса конкурс.

А. АБДУЛЛАЕВА

Мунни 10-11-ми классирттал дуклаки оьрчIаву цалчинсса кIану бугьунни МахIачкъала шагьрулул 9-мур лицейраву 11-мур классраву дуклакисса Камиллул ва Якьутлул душ Янсият Мусаевал. Ванил хьинну бюханну, асар хьунну бугькунни Даниял Магьдиевлул чивчусса «Освенцим дуснакъ» тIисса поэмалувацца парча. Янсиятлул элмийсса каялувчуну бур вава лицейраву лакку мазрал дарс дихьлахьисса цила нину Якьут Мусаева. Дакинхтуну барчагу буллай, чIа тIий буру вайннан тIайлабацIу утти хьунтIисса республикалулмур конкурсрайгу.



Янсият Мусаева

ХIадур хьияра гьунарду ккаккан бан

Республикалул агьалинайн оьвтIий бур «Дагъусттаннал вирдакI» тIисса ДР-лул ХIукуматрал премиялийнсса конкурсравух гьуртту хьун.

З. АБДУРАХИМАНОВА

Республикалул Халкъуннал творчестволул къатлул пресскъуллугьрал бусаврийну, ва премия ккаккан дурну дур халкъуннал художествалул творчество ва ирсирайсса культура дурчлачисса ва хьхьичIуннай дуллалисса проектирдан. Премиялул лагру дур 100 азарда къуруш.

Конкурс нантIиссар цими-

рагу номинациярттайх дарчIуну. Миннвух, мисалдаран, дикIантIиссар «халкъуннал макъанну», «жагьилсса гьунарчи», «ирсирайсса халкъуннал культура» тIисса ва цаймигу номинацияртту.

Аьрарду къамул булантIиссар ва шинал октябрьданул 1-ннийнни МахIачкъалалив ва адресрай: Олег Кошевойлул цIанийсса куча, 35 «а».

Дагъусттан миллатиртгачIа даянв мудангу сийлий дуссар патриотшиву, муниципун дархIусса аьдатру. Миннул оьрчIинияцIава инсаннаву хIасул байссар нину-ппу, ниттил маз, буттал улча, тIабиабт, ватанлувтал, миллатрал культура ххирашиврул асарду.

Инсаншиврул ва чувшиврул дарсру

Хьуними никирттал барашиндарайн буну, патриотизмалул гьануну хьанахьиссар цалва кулпат хIурматрай, сийлий бушиву, мунил цIа узданну ядаву. Инсан хIасул хьанай ур кулпатраву, мичча уклай ур жяматравун, ялагу зананай ур кулпатравун. Кулпатраву тарбиялул дарсруну хьанахьиссар чIивинияцIава оьрчIан бувчIин буллалаву ас-намусрал, адав-имандалул ххазинартту.

Дагъусттанлувтурал ляличIинурасса къулагьас дуллай бивкIссар кувннал кув бугьаврил, чIарав бацIаврил, цалва кулпатрайн дакI тIайлашиврул асарду чантI учин баврих.

ОьрчIаву ватан ххирашиврул асарду хьиннува цакьгу, гужлангу баншиврул бутта, цува

чун-унугу нанийни, оьрчIай бивкIссар къатлул чувнал буржру. Хьунама арснахь чайсса бивкIссар: «Утти инара ичIува буттан кIанайма, ниттин буллалу кумаг, дуручча ичIалу» - куну.

Шяраваллил бугьарасса чиваркIунналгу цIа дайсса диркIссар нитти-буттан ичIаллил давуртту бартдигьин кумаг буллалисса оьрчI-душния. Ппу хьунав хьувкун, хьунама арснал бугьайсса бивкIссар мунал кIану, дайсса диркIссар буттал дайсса цинярда ичIаллил давуртту.

ОьрчI-бакI тарбия баврил ххуллий хьунмасса кIану бугьлагьиссар Дагъусттаннал миллатирттал тухумирттал аьдатиртталгу. ЧIавусса агьлу бусса тухумру ккалли байсса бивкIссар

дан-диган каша ххисса чиву сивсуну махь бусан ва буруччин шайсса тухумран. Тухумру цивпапу бивкIайсса бивкIссар махIла-махIалалий. Тухумравасса ца инсаннал къаххуйсса къел дарча, тухумрал хьуниминнал чайсса бивкIссар: «Ина жула тухум къюкьин мабулларда, жула цIа-бакI зия мадулларда!» - куну.

Ватанчививрул буржну ккалли байсса бивкIссар цалва тухумравасса инсантурал хьин-хьинсса давуртту шаллу даву, кулпатрахлу, тухумрахлу, жяматрахлу, Ватандалухлу жан дулун хIадурну ушиву.

ХIакьину, бугьараминнал хIакьсса ватанчививу ккаккан дуллан аьркиншиврия ихтилат багьувкун, оьрчI-бакI тIайласса ххуллий тарбия буллалаврия ихтилат найбухьувкун, педагогтуралгу, тарбиячигуралгу, нитти-буттахьалу къулагьас цукунчIав чан хьун къабучIиссар Дагъусттаннал миллатирттал лагьмур оьрмулувацца чувшиврул ва виричушиврул дарсирдах.

Шайдабег МИРЗОЕВ,
ДГПУ-лул профессор

Таржума
ХI. АБДИЛОВЛУЛ

«Жул Дагъусттан»



Бадрижамал АБЛИЕВА

Каспийскийсса Аьрасатнал халкъуннал аслийсса культурулул центрданый хьунни ДАССР сакин хьуну 99 шин шаврин хас дурсса шадлугь. Ва Центрданул ва шагьрулул ЦБС-лул 4-мур филиалданул хIадур дурну дия. Шикку

гьуртту хьунни шагьрулул 1-мур школалул дуклаки оьрчIру ва учительтал.

Шадлугь тIитIлай, Центрданул директор Башикар Гадаевал барча дунни бавтIминнахь му къини, бувсунни му байрандалул мархрая.

ЦБС-рал методист Зугьра Давудовалул бувсунни автономия къа-

мул даврия, 1920-ку шинал ноябрьданул 13-нний Темир-Хан-Шурагь хьусса Дагъусттаннал халкъуннал съездрая байбивхьуну. Бувсунни микку Совет хIукуматрал цIания махь лавхьун бивкIшиву миллатирттал Наркомну ивкIсса И.В. Сталиннул.

БавтIминнал ххал дунни «Дагъусттан» цIанилусса видеофильму, библиотекалул зузалтрал ва къинилун хасну хIадур дурсса выставкагу, дуклаки оьрчIал дурккунни ватандалуха назмурду.

Укуннасса батIаву хьунни Каспийскийлал ЦБС-рал 2-мур филиалданыйгу. Мунни гьуртту хьунни шагьрулул 6-мур школалул дуклаки оьрчIру ва миннал каялувчи Аьйшат Абакарова, школалул библиотекарь Зумруд Абдуллаева, тарихчи Исая Аьзиев, 2-мур филиалданул каялувчи Гулмира Ажыева. Шиккугу хьунни Дагъусттан Республикалул лагьмуни-ясса, мунил тарихрал чIапIив чичлай бивкIсса ва хIакьинусса къинисса ххалли-ххаллилсса инсантура-ясса ихтилатру.

Театр

Поэзиялул ирсну хьусса ччаврил шеьрирду

Лакрал театрданул цIу буккан бунни Сибирбаг Кьасумовлул пьесалийнусса спектакль «Ччаву ва макь». Спектакльданул цалчинсса премьерая хьуссия 2007 шинал, кIилчин цIу буккан бувссия 2014 шинал.

Зулайхат ТАХАКЪАЕВА

ЦIу буккан бунни уттигу. Режиссер – Дагъусттаннал халкъуннал артист Аслан МахIаммадов. Сценография – Дагъусттаннал лайкъ хьусса художник Аскар Аскарловул. Спектакльдану-ву гьануну лавсун бур XIX-мур ттуршукулул КIия хьхьичIунсса лакрал шаэртурал, Гьумучиял ПатIиматлул ва Бархьаллал Маллай чагьарду – чулийн къабувксса ччаврил пашмансса къадар.

Хантурал авладраясса хьу-

ни къатрал душнин, аьшун кунна, эшкъи хьуну дур Бархьалатусса хьудугьул кулпатравасса жагьилнах, цина ххалагу къавхьуну унува, анжагь Гьумучиял мизитраву «акбар» тIий чIу бавну. Душнил шеьрирдай чичлачисса чагьардал дакI гьулу-сан дурсса жагьилнангу эшкъи хьуну дур ганих. Мйара шин ларгун дур гайннал цаннал цанначIан машрикьуллал ччаврил лирикалул зумуну шеьрирду чичлай. Хантурал нясав-раясса къудурсса ПатIиматлул нину Аймисай (Дагъусттан-

нал халкъуннал артистка Жинасат ДинамаIаммадова), душ эшкъилул цIуцIаврил къавкъуннай бушиврия буруккинттарай бакьарча, душ укуннасса маллан шар булун къюкьлай бур. Маллай арх буцан баншиврул, ниттиуссиячIан Азайнив тIайла буклай бур.

Душнйисса хIал чIалай, ниттиуссил учIан ай Бархьалату Маллай, гайннал ташу бансса ихтияр дуллуну. Микку ниттил макру буну, Малла ПатIиматлуя арх уцан ай. Ччиссанна махIрумсса оьрмулул мяьна къачIалай, ПатIимат, загьру хIавчIун, ниттихагу зайлай, ниттил карунниву бивчIай.

Гьумучиял ПатIиматлул ва Бархьалал Маллай чагьарду Дагъусттаннал поэзиялул ца яла яргесса ирсиран ккалли хьуну бур. Гьумучиял ПатIиматлул роль дургьуну бия Дагъусттаннал лайкъ хьусса артистка Зинаида Чавтараева. Бархьалал Маллай – артист Адам ХIайдаев.

Лакрал халкъуннал учаларттава

Лавгмуний аматIра, бучанмуний амтIумIу.

Лякълун ччатIгу, жиплин арцуеу ххирассар.

Мяшсса ттурушамачу шайрайхуккуяреу мискинссар.

Мяшишуву авлияшивури.

Ссавний кIили дишингу, бургыйин хъхури лаххангу къашиайссар.

ТамахIкар щялмахъчинайнеу вих шайссар.

ХIакъину къавтIий, гьунттий амтIий.

Ца къыни ца къынилул лагъри.

Цумурцагу цулIлул цила магъ цила дуручайссар.

Шу дишиннин цIинна хIадур дайссар.

ЧчантIу бувкун, ттукуеу лагайссар.

Чил ттарацIсса ссахI дачIунияр хъунмассар.

ЧчатIун – дуцин, арцун – щутI.

Яла язугъмур мискиншиву мяшишивур.

Ярунних мурчIинугу, дакIнил мурчIи къахъуннав.

Аякъалун лархъхусса бакIлахъяеу дикIай.

Аьрици мукъахрицину дунияллия цучIав къалавгссар.

Багъдадлив дияннин дигьирчангу, хъарас махъуннай зана шайссар.

БакIран – хъува, хъунин – пара.

Гъаннараха лархъхуссар бакIлахъяеу дикIайсса.

Гъинтнин лархъхунур чIаркIугу дуцаййсса.

Гъинтнил даврия кIинтнил цIуххай.

«Илчи» – маслихатчи ЦIуллу-сагъшивруцIунсса маслихатру



Лимон ягу «мусил гъивч»

Ахир. Дайдихъу №4

Грильданий дагъ буллалисса балугъ лакъачIун ва мунил тIин-тIааьн ххуй буван кумаг хъунтIиссар грильданул решеткалий бувса лимондалул «шануя» (суратрай).

УссацIасса тIааьн дакъасса къанкъ гъантIиссар, хъхувайния кIюрххилнин мивун лимондалул ккертту бичирча.

Чяйлул къуса ницIал, ца кIива кIунтI лимондалул сокрал хIала бувса гъилисса щинал стакан гъарца кIюрххил хIачIлачIаву – хъинсса аьдатри.

ЦIанасса, марцIсса, ххуй-

сса дуки-хIачIия чансса чIумал, оьтту токсиннацIа марцI буван кумаг хъунтIиссар лимондалул сок хIала дуресса щиная.

Холодильникравасса тIааьн дакъасса къанкъ гъантIиссар, мунивух лимондалул сокрай атил дуресса губка дуккарча.

Микроволновка бигъану марцI хъунтIиссар, лимондалул сокрал кIунтIру бувтIусса щиначалсса кIичIу бивхъуну, 3-5 минутIрайсса лахъсса градусирттай лавхъун, яла зува бувайсса куццуй марцI буварча.

Кухнилийсса раковина дур ичIура яла чIяруну ишла дувай-мур, яла чIяруну чапал шаймур



зат. Му зура шошайсса куццуй шюршуну махъ, дутIяра мивун содагу бивчусса лимондалул сок, 10 минутIрайсса диртун, ялун кIирисса щин дутIара.

Пюрундалул тIахIни-кIичIуллул ялтту чIун-чIумуй дакъайсса цIансса къат, чяйлуя дикIу, ххит-чапалшиврия дикIу, дакъа хъуну, тIахIни цай-цай тIунтIиссар, мунил вивх ва ялтту лимондалул ххарахIала дуккарча.

КIяласса кроссовкарду марцI-кIяла хъунтIиссар, янна шюшай порошок, лимондалул сок ва ссирка хIала дурну шюширча.

Аьгъусса ягълав бигъану марцI хъунтIиссар, мяш бакъа цIивун шусса лимондалул ххарахIалттух му ссуку буварча.

Ххуйну къакъан бувсса лимондалул ккерттарацIух хъинну цIу лачIайссар. Му ишла буван бюхъантIиссар кIачлилу, каминдалува цIу лахъан дуван. ЦIарацIун гъава тIааьнсса къункъалгу буцIинтIиссар.

ДакI ларай нанисса куннасса тагъар дуний, къацIливу лимондалул касак биширча, хIал къулай хъунтIиссар.

**ХIадур бувссар
Бадрижамал АБЛИЕВАЛ**

Прокуратуралул иширттава Къуллугъчинай тахсир кIавккунни

МахIачкъалалал прокуратуралул дуресса ххал бигъавурттал ялун личин бунни муниципал къуллугърал зузала закондалул ххуттава увксса иш.

МахIачкъалалал администрациялул Правовой управлениялул хъунама пишакарнал «Коррупциялийн къар-


ши бацIаврил» (ст.125 ч. 1) ва «Аьрасатнавусса муниципал къуллугърал» (ст.14. ч. 1, п.3) хIакъиравусса законнал тIалавшиннарду къадурурчуну дур.

Ва хъанай ур коммерциялул идаралул залугу (цайминнашал архIал – 50%), хъунама ди-


ректоргу. Шагърулул прокуратуралул, закондалул ххуттава бувксса иш тIайла бацIан баву мурадрай, шагърулул бакIчинай тIалав бувну бур тахсир хъума жавабрийн уцаву.

**ТIагъир ХIАСАНБАГОВ,
шагърулул прокурорнал
кумагчи**

МАХIАЧКЪАЛА



Гъавалул тагъар



Газета «Илчи» (Вестник)

Учредитель
Министерство информатизации, связи и массовых коммуникаций РД

Хъунама редакторнахлу
БАШАЕВ Р.М.
Тел.: 65-00-07

Къардашов Р. Аь. Тел. 65-03-12
хъунама редакторнал хъиривма

Редколлегия
Адамов АбдурахIман
МахIаммадович
Абдуллаев Ссапар Аьлиевич
Абдуллаев Эса Халидович
Аьлиев ХIажи Сулайманович
Исрапилов Артур Анварович
КъурбанмахIаммадов Чанкура
Рамазанович
Маммаев Сулайман
Нураттинович
МахIаммадов Юсуп ХIамидович
Хаппалаев Аслан Юсупович
Хасаева Гульшан Рамазановна
ХIажимирзаев Зиябуттин
Абусупиянович
Шалласуев Шалласу Рамазанович
Эльдарова Роза ХIажиевна

Отделал редактортал
Абдуллаева А. П.
Аьдилов ХI. А.
Рамазанова П. ХI.
Тахакъаева З. К.
ХIусайнаева К.А.

Подпискалул отдел
Абдуллаев А. Къ.

Корреспондентгтал
АбдурахIаманов З. Т.
Аьлиева Б. Д.
Саидова И. А.
ХIусайнов ХI. Ш.

Корректортал
Абдуллаева З.М.

Кказитрал компьютерданул цех
Абакарова К. Н.
ХIажиева З. У.

Кказитрай дурксса макъаларттава кIинчI лавгмур тIайлашиврул жаваб дулайссар чивчуманал. Редакция макъалалул залуннал пикирий рязину бакъахъурчагу, макъала ришайссар, жяматрал цаламур пикири бусанссар тIисса ниятрай. Кказитрай дуркIсса макъаларттайн рецензия къачичайссар ва ми залуннахъхъун зана къадайссар.

Кказит буккайссар ножмардий цал. Шинай итабакъайссар 52 номер

Кказитрал индекс: П7046
Тираж – 2600 экз.

Адрес редакции и издателя.
367018, г. Махачкала,
пр-т Насрутдинова, 1а
e-mail. ilchi@rambler.ru
http://ilchi.info
Тел./факс: 65-00-07

Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД.
Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Издательство «Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.

Цена свободная

